

喉痧輯要

喉痧輯要

洞庭鳳在元賓夫甫誤



爛喉痧至危之症也。蓋寒煖非時，鬱成厲毒。
一鄉傳染相同，即是天行之瘟疫。與尋常咽喉
通行痧疹俱迥然不同。考其來由，自雍正癸丑
年間，曾有是症，發於冬春之際，不分老幼，遍相
傳染。發則壯熱燔渴，痧密肌紅，宛如錦紋咽喉。

疼痛腫爛一團火熱內熾醫家見其火熱甚也
投以犀羚芩連梔膏之類輒至隱伏昏閉或喉
爛廢食延挨不治或便泄內陷轉眼凶危醫者
束手病家委之於命孰知初起之時頻進解肌
散表溫毒內達於外豈有不生活者內經所謂
微者逆之甚者從之火熱之甚寒涼強遏多致
不救良可慨也後嘉慶丙子之春及道光己酉

正月吳下又盛行醫家不能深察禱用寒涼目
擊死亡者夥矣良由冬不藏陽亡冰少雪溫邪
為寒所束若乘勢表散邪從暢汗者得生否則
妄有不殞命者予是時甫業醫於胥江從張愛
廬夫子予親友患是症俱延吾師診治及隨吾
師之臨診立意解表為主荆防柴葛之中或加
麻黃或用萍艸絕不換入一味清涼散劑之後

皆得暢汗淋漓痲痧或見或否喉痛悉平俱獲
全生茲予避難耒耨舌耕餬口餽課攸關非知
已不出診近聞喉痧頗多死亡不少每与松陵
夏君閑彼是症志同道合因攷古證今備採要
法著為此編非逞臆說也竇以閱歷有年知此
症之重在發表不在治喉其喉科自有全書毋
庸夾襍若乃此症四時皆有是在隨時活變摠

之暢汗為第一義也。夏君號子垣，今二尹汪公
之表兄，與予為真知己。大方之外，幼科痧症亦
專長。醇然謹厚，無時醫習氣。亦方技中之不概
見者。

同治五年歲在丙寅葭月鳳賓夫自序於瀛洲
行餘書屋

江表志

何遜五言詩云江南無所有

見漢書

車馬難通對君王謝安嘗曰

王夷甫自下而見曉王夷甫

王夷甫自下而見曉王夷甫

喉痧論症

一凡形寒壯熱咽喉腫痛頭痛體痛咳嗽胸悶
鼻塞嘔噦兩目汪々手足指冷脉未濡數或
現浮數此即厲邪痧症需用沒方荆防葛根
湯兩三劑俟其暢汗痧透點至足心舌有楊
梅刺方進辛涼清解之味搃之痧慎於始若
有一毫胸臆未清便是痧疹未透不可早進

寒涼遏伏以致不治

一凡痧疹欲出未出之時宜早為發散以解其
毒則無餘患若不預解使之盡出或早投寒
涼遏伏多致毒蓄於中或為壯熱日久枯痺
或成驚癇或為瀉痢或為咽喉腐爛咳血喘
促或作浮腫疳蝕而死此雖一時戾氣之染

然未有不由於人事之未盡也

一凡痧疹逡巡不出者乃風寒外束皮膚閉密

也○亦宜荊防葛根湯主之外用芫荽酒以亭

蘇蘸酒浸之

恐露體冒風即不用亦可

咽喉如有腫痛腐

爛者宜合玉鑰匙散頻吹之

方見後

一凡形寒發熱面若裝硃痧不出肌即現上吐
下瀉腹痛如絞甚至發厥口噤目閉神昏此
乃內挾溫滯痧穢外感戾毒暴寒折伏表裏
為病陰陽不通最屬危候每至朝發夕死不
能過兩三日者若投寒涼清解有如操刃急
進藿香正氣散加煨薑根牛蒡子蟬衣焦麴
等味一兩劑得暢汗吐瀉厥止痛停痧得熅

赤扶過三日庶無妨碍。但此症吐瀉之後津液大傷。必然發渴。思飲冷湯。切勿與吞。即甘蔗水梨藕子一切生冷寒涼之物亦忌。

一凡熱邪壅於肺。逆傳心胞。絡痧疹不得出。或已出而復沒者。乃風寒所遏。而然若不早治。盡必內攻。以致喘急音啞而死。急用升麻葛

根湯加荊芥牛蒡子桔梗蟬退櫻桃核浮萍
枳杷葉等煎服外用芫荽酒以苧麻蘸酒
憂之痧症復出喘止乃可去虞倘俸質單弱
者不能透達需用遠邪煎或柴歸飲發之如
進二湯仍不燉赤者急進托裏舉班湯

一凡痧疹只怕不能出若出得暢盡其毒便解

故治痧疹者貴慎於始發熱之時當察時令

寒暄酌而治之倘時令嚴寒即桂枝葛根湯

或麻黃湯俱可用勿拘辛溫遲疑二湯內俱

加入牛蒡子蟬衣桔梗散之如時令大熱以

升麻葛根湯加牛蒡子辰砂蟬衣益元散散

之如果熱火克熾稍加生石膏斟酌用之倘

時令平和以荊防葛根湯加浮萍汁散之務

使費得透暢莫使其絲毫逗通致生受幻纏
錦痧後切忌大葷魚肉海鮮酸醃瀟辣之物
以杜後患切囑切囑

論症續要

一凡服表散之劑必得汗至足心痹痧透咽痛止胸悶舒方無餘邪若有痧汗少或痧現即隱症勢最險或痧沒重感風邪或食鮮葷之物必有餘毒為患俗稱痧怪痧尾是也痧腹痧癩痧癆內外諸症百出慎之

一凡服事之人最為要紧必須老成可靠者終
日終夜不得倦怠病人不可脫裏衣以被緊
蓋出汗後不可使露致汗不暢若任性貪涼
雖方藥中病亦難奏效蓋痧邪當發出之時
病人每悶不可耐稍一反側於被內使露以
為適意痧点即隱毒從內陷適意即連死之
道也